негова с малыми дружинами на помощь к государю⁸⁴ своему великому князю Юрью Ингоровичю Резанскому, а не ведая, что они побиты и град разворен. Еупатей же приидите в в ко граду Резани и виде град разорен, 86 и церкви божии 87 позженны, 88 и люди вси побиты, овии посечени, 89 и 90 инии позжены, 91 инии в реце потоплени. И виде он сие великое пролитие крови християнские, возкрича в горести души своея, и распылаяся в сердцы своем, и собра малую свою дружину, и поиде от града, и собра людей около Резани, которых бог соблюл в лесах и в горах. И собрал тысящу восемьсот человек, и в день недельный 92 учое диша полки, и погнаша в след за безбожным царем Батыем, желая таковую же чащу пити, како государи его. И⁹³ едва догнаша его близ⁹⁴ земли Суздальской, и внезапу нападоща на полки Батыевы, и начаща битися. Еупатей же бе человек силен и храбр, проежьжая полки Батыевы и быящеся нещадно. И бысть сеча велика от еву⁹⁵ полку: все силы Батыевы смятощася, яко уже и⁹⁶ самому Батыю царю возбоятися. Тотарове⁹⁷ же стояще, яко пияни и неистови. Еупатей⁹⁸ же толико сечаще их без милости, — которые мечи притупишася — емлют они у⁹⁹ поганых, отимающе 100 мечи и сечаше их нещадно. И много и безчисленно Батыевы силы побили. Тотаровя² же мняще в себе, яко мертвии восстаща³ на ны. Еупатей же силные полки проежает и бияще нещадно, и ездя по полком татарским храбро мужественно, яко самому царю возбоятися. И едва поимаше от полку Еупатиева 5 человек воинских, изнемогших от великих ран, и приведоша ко царю их Батыю. Царь же нача их вопрошати: "Которые есте вы⁴ веры, и которые вемли? Что много мне выла⁵ сотвористе? Они же рекоша ему: "Веры есть мы християнские, раби есми великаго князя Юрья Ингоровича Рязанскаго, а полку Еупатиева Коловрата. Послани есмы тебя, царю, силнаго почтити и честно проводити. и честь тебе воздати. Да не подивиши, царю, не успеваем наливати чаш на твою великую силу татарскую". Царь же Батый подивися мудрому их ответу. И посла шурина своего Хостоврула. Хостоврул же похвалися пъред варем Батыем, хотя Еупатия жива пред царем поставить. Хостоврул же съехася⁹ съ¹⁰ Еупатием. Еупатий же исполнися силою и разсече Хостоврула до седла, и начаша сетчи силу татарскую, и многих нарочитых богатырев Батыевых¹¹ побил — овых на полы пресече, а иных до седла крояше. Тотаровя же возбоящеся, 12 видяще Еупатия крепка и силна, и наведоша на него пушки и многия снаряды оружейнныя, 13 и начаша бити, и едва одолеща погании Еупатиево войско. И в той час убили Еупатия храбраго. И принесоща тело его ко царю Батыю. Царь же посла по свои князи, и мурзы, и по санчаки, и нача с ними дивитися храбрости, и мужеству резаньских¹⁴ бойцов, — храбрости Еупатия с това-

а Переправлено из приидиде.

84 дарю. 85 приидите. 86 раззорен. 87 божия. 88 пожени. 89 посечены 90 нет. 91 позжени. 92 подлиный. 93 нет. 94 близъ. 95 ево. 96 нет. 97 Татарове. 98 Еупатее. 99 ошибочно: о. 100 отни-

 $^{^{1}}$ безчислено. 2 Татаровя. 3 восташа. 4 нет. 5 зла 6 сотвористе. 7 християне. 8 пред 9 съехася. 10 с, 11 нет. 12 возбояшася. 13 оружейныя. 14 резанских.